

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-345/25
Vareš, 29.12. 2025. godine

Z A P I S N I K
sa 1. vanredne sjednice Općinskog vijeća Vareš,
održane 15.12. 2025. godine

Predsjedavajući OV pozdravio je sve prisutne.

Prisutni vijećnici: Andrej Malbašić, Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović i Zdenko Franjić.

Odsutni: Zdravko Barkić.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 1. vanrednu sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Mersad Đido, sekretar OV; Ermin Musa, pomoćnik načelnika; Mervana Hajrić, pomoćnik načelnika; Ibrahim Spahić, pomoćnik načelnika; Stela Terzić, šef Odsjeka za finansije i trezor i predstavnici medija.

Predsjedavajući OV stavio je na raspravu prijedlog dnevnog reda 1. vanredne sjednice OV koji je usaglašen na Kolegiju Općinskog vijeća.

Vijećnik Nazif Hajrić uz pojašnjenje predložio je da se u tački 1. koja glasi *“Izbor vršioca dužnosti općinskog načelnika Općine Vareš”* doda iza u zagradi *„Prijedlog Odluke o izboru vršioca dužnosti općinskog načelnika Općine Vareš“*.

Vijećnik Dario Dodik uz pojašnjenje da je jedan od prijedloga kandidata za vršioca dužnosti općinskog načelnika predsjedavajući OV Malik Rizvanović, te činjenicu da Općinsko vijeće nema zamjenika predsjedavajućeg OV, predložio je da se doda nova tačka 1. *„Izbor zamjenika predsjedavajućeg Općinskog vijeća Vareš“*.

Sekretar OV skrenuo je pažnju vijećnicima u slučaju da Vijeće prihvati prijedlog vijećnika Dodik Darija, Komisija za izbor i imenovanja u toku pauze treba na svojoj sjednici razmotriti prijedloge kandidata za zamjenika predsjedavajućeg OV koji su pristigli u Službu.

U daljnjoj raspravi su učestvovali vijećnici: Igor Šimić, Dario Dodik, predsjedavajući OV Malik Rizvanović, Nazif Hajrić (*predložio je da se ne vrši dopuna dnevnog reda sa tačkom za izbor zamjenika predsjedavajućeg OV, te da Vijeće u skladu sa zakonskim propisima izabere vijećnika koji će predsjedavati Općinskim vijećem a da na narednoj sjednici pod tačkom 1. Vijeće izabere zamjenika predsjedavajućeg OV i ako bude potrebe i predsjedavajućeg OV*), Semir Memić i sekretar OV (*konstatovao je da su u raspravi predložena tri prijedloga i dao je pojašnjenje radi javnosti da*

predsjedavajući OV i zamjenik predsjedavajućeg OV ne mogu biti iz istog naroda, kao i općinski načelnik i predsjedavajući OV).

Predsjedavajući OV dao je pauzu zbog konsultacija Klubova vijećnika u trajanju 10 minuta. Nastavljeno je sa radom sjednice.

Predsjedavajući OV stavio je na izjašnjavanje **prijedlog vijećnika Hajrić Nazifa da tačka 1. dnevnog reda 1. vanredne sjednice glasi: „Izbor vršioca dužnosti općinskog načelnika Općine Vareš (Prijedlog Odluke o izboru vršioca dužnosti općinskog načelnika Općine Vareš)“**

Nakon izjašnjavanja vijećnika predsjedavajući OV konstatuje da je sa 18 glasova „ZA“ **usvojen prijedlog vijećnika Hajrić Nazifa.**

Predsjedavajući OV stavio je na izjašnjavanje **prijedlog vijećnika Dodik Daria da se doda nova tačka 1. „Izbor zamjenika predsjedavajućeg Općinskog vijeća Vareš“**

Nakon izjašnjavanja vijećnika predsjedavajući OV konstatuje da sa 7 glasova „ZA“ i 11 glasova „PROTIV“ **nije usvojen prijedlog vijećnika Dodik Daria.**

Predsjedavajući OV stavio je na izjašnjavanje prijedlog dnevnog reda **1.vanredne sjednice OV** sa usvojenim prijedlogom vijećnika Hajrić Nazifa i nakon izjašnjavanja vijećnika konstatuje da je sa 18 glasova „ZA“ **usvojen sljedeći**

D n e v n i r e d

1. Izbor vršioca dužnosti općinskog načelnika Općine Vareš (Prijedlog Odluke o izboru vršioca dužnosti općinskog načelnika Općine Vareš).
Izjestilac: Komisija za izbor i imenovanja.
2. Tekuća pitanja.

Predsjedavajući OV podsjetio je da su vijećnici dobili Zapisnik Komisije za izbor i imenovanja u kome je konstatovano da je on jedan od prijedloga kandidata za vršioca dužnosti općinskog načelnika Općine Vareš i zbog toga ne može voditi daljnji rad sjednice vezano za tačku 1., te je zatražio da Vijeće predloži i izabere nekoga od vijećnika koji će nastaviti vođenje sjednice.

Vijećnik Nazif Hajrić predložio je da **vijećnik Asmir Čizmo nastavi voditi sjednicu pod tačkom 1. i sljedeću sjednicu OV, do izbora predsjedavajućeg OV i zamjenika predsjedavajućeg OV.**

Nije više bilo prijedloga i predsjedavajući OV stavio je na izjašnjavanje prijedlog vijećnika Hajrić Nazifa i nakon izjašnjavanja vijećnika konstatuje da je sa 14 glasova „ZA“ i 4 „SUZDRŽANA“ **glasa usvojen prijedlog.**

Vijećnik Asmir Čizmo preuzeo je vođenje sjednice.

Ad. 1.

**Izbor vršioca dužnosti općinskog načelnika Općine Vareš
(Prijedlog Odluke o izboru vršioca dužnosti
općinskog načelnika Općine Vareš).**

Komisija za izbor i imenovanja na 5. sjednici održanoj 15.12. 2025. godine jednoglasno je donijela sljedeći Zaključak:

- Komisija za izbor i imenovanje predlaže kandidate za izbor vršioca dužnosti općinskog načelnika Općine Vareš i to:
 1. Malik Rizvanović i
 2. Stela Terzić.

Nazif Hajrić kao predsjednik Komisije za izbor i imenovanja upoznao je Vijeće i javnost da su dostavljena dva prijedloga kandidata za izbor vršioca dužnosti općinskog načelnika Općine Vareš. Podsjetio je na stav Komisije da se Vijeće izjasni o načinu glasanja za izbor vršioca dužnosti općinskog načelnika Općine Vareš (javno ili tajno).

Otvorena je rasprava u kojoj su učestvovali vijećnici: Dario Dodik (*predložio je da se Vijeće po ovoj tački dnevnog reda izjašnjava tajno*), Nermin Hrvat (*izjavio je da je prijedlog Kluba vijećnika SDA da se po ovoj tački dnevnog reda, Vijeće izjašnjava javno*), Nikola Šimić (*uz pojašnjenje izjavio je da podržava prijedlog za tajno glasanje, pozvao je vijećnike da minutom šutnje odaju počast preminulom načelniku Marošević Zdravku*) i Asmir Čizmo (*Podsjetio je na odredbe Poslovnika o radu OV koje definišu način izjašnjavanja vijećnika*).

Zaključena je rasprava i vijećnik Asmir Čizmo stavio je na izjašnjavanje **prijedlog vijećnika Dodik Daria da se po ovoj tački dnevnog reda Vijeće izjasni tajnim glasanjem.**

Nakon izjašnjavanja vijećnika, vijećnik Asmir Čizmo konstatuje da **sa 7 glasova „ZA“, 10 glasova „PROTIV“ i 1 „SUZDRŽANIM“ glasom prijedlog vijećnika Dodik Daria nije usvojen.**

Vijećnik Asmir Čizmo stavio je na izjašnjavanje **prijedlog Kluba vijećnika SDA da se po ovoj tački dnevnog reda Vijeće izjasni javnim glasanjem.**

Nakon izjašnjavanja vijećnika, vijećnik Asmir Čizmo konstatuje da je **sa 11 glasova „ZA“ i 7 glasova „PROTIV“ prijedlog Kluba vijećnika SDA usvojen.**

Vijećnik Asmir Čizmo konstatuje da će Vijeće po tački 1. Izbor vršioca dužnosti općinskog načelnika Općine Vareš (Prijedlog Odluke o izboru vršioca dužnosti općinskog načelnika Općine Vareš) glasati javno.

Vijećnik Asmir Čizmo stavio je na izjašnjavanje prijedlog kandidata vršioca dužnosti općinskog načelnika Općine Vareš - **Malik Rizvanović.**

Nakon izjašnjavanja vijećnika, vijećnik Asmir Čizmo konstatuje da je prijedlog dobio **11 glasova „ZA“ i 7 glasova „PROTIV“.**

Vijećnik Asmir Čizmo stavio je na izjašnjavanje prijedlog kandidata vršioca dužnosti općinskog načelnika Općine Vareš - **Stela Terzić.**

Nakon izjašnjavanja vijećnika, vijećnik Asmir Čizmo konstatuje da je prijedlog dobio **7 glasova „ZA“ i 11 glasova „PROTIV“.**

Vijećnik Asmir Čizmo konstatuje da je na osnovu izvršenog glasanja, **Malik Rizvanović izabran za vršioca dužnosti općinskog načelnika Općine Vareš i donesena**

Odluka o izboru vršioca dužnosti općinskog načelnika Općine Vareš

Vijećnik Asmir Čizmo dao je pauzu u trajanju od 10 minuta.

Malik Rizvanović nastavio je sa vođenjem sjednice.

Ad. 2.
(Tekuća pitanja)

Sekretar OV predložio je sljedeći

Zaključak

- Općinsko vijeće Vareš daje ovlaštenje vijećniku Čizmo Asmiru da potpiše Odluku o izboru vršioca dužnosti općinskog načelnika Općine Vareš.
- Daje se ovlaštenje vijećniku Čizmo Asmiru da sazove Kolegij OV i 12. redovnu sjednicu Općinskog vijeća Vareš.
- Ovaj Zaključak stupa na snagu danom donošenja.

Predsjedavajući OV stavio je na raspravu predloženi Zaključak.

Nije bilo rasprave i predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa 18 glasova „ZA“ usvojen predloženi Zaključak.


Vijećnik Igor Hinger pozvao je sve vijećnike i građane općine Vareš da 20.12. 2025. godine prisustvuju Božićnom koncertu.

Malik Rizvanović obavijestio je Vijeće i javnost da podnosi ostavku na funkciju predsjedavajućeg OV i mandat u Općinskom vijeću jer je izabran za vršioca dužnosti općinskog načelnika Općine Vareš.

Predsjedavajući OV u ime Općinskog vijeća i u svoje lično ime, svim građanima katoličke vjeroispovijesti, uputio je čestitke za nadolazeći blagdan Božić.

Sjednica je završena u 15.01 sati.

Sastavni dio ovog Zapisnika je audio zapis 1. vanredne sjednice OV Vareš.

SEKRETAR
OPĆINSKOG VIJEĆA

Mersad Dido

ZAPISNIČAR

Azra Pijadžer

PREDSJEDAVAJUĆI
OPĆINSKOG VIJEĆA

Malik Rizvanović